

D. D.

DISSE^TAT^O HISTORICA

DE

T U R C I S,
ANTIQUISSIMIS
SCANDIÆ POPULIS.

QUAM

Consens. Ampliss. Philos. Ordine,

PRÆSIDE

MAG. JOHANNE
BILMARK,

HIST. & PHIL. PRACT. PROF. REG. & ORD.

Ventilandam sifit

CAROL. GUST. BROOCMAN,

NORCOPIA - OSTROGOOTHUS.

In Audit. Maj. d. IV. Julii Anni MDCCCLXVI.

H. P. M. S.

ABQÆ
Impressit JOH. CHRISTOPH. FRENCKELL.

SÆ RÆ (M:TIS
MAGNÆ FIDEI VIRO,
D:NO JOHANNI
I H R E,
Reg. Canc. CONSILIARIO,
PROFESS. Skytt. Reg. & Ord. Equit. Aur. de Stel-
la Pol. Acad. Litt. Human. Stockh. & Societ. Reg.
Scient. Ups. MEMBR. Societatisque Antiquar.
Londinensis Socio Honorario,

MÆCENATI MAGNO,

Hoc Meletema

Sacrum
esse voluit

CAROL. GUST. BROOCMAN.



§. I.

Sicut omnium fere gentium origines den-
sis involuta sunt tenebris; ita nec
eodem fato exempta fuit vagabunda
Scytharum natio. Antiquam vnde ipsam fuisse o-
mnes fatentur Auctores, quod etiam probant fabu-
lae, que initia ejusdem indagaturis occurrunt. Sic
HERODOTUS refert, Scythes a quodam *Targitheo*,
Jovis filio & *Borysthenis* filia exstitisse, quibus *Li-*
poxa filius erat, Parenis omnium Scytharum (a).
Aliam narrarunt fabulam Græci, qui Pontum inco-
luerunt. Scilicet perhibent Herculem, vaccas Gerio-
nis ducentem, in terram, quam Scythæ deinceps
habuerunt, venisse, ibique monstrosum quandam
virginem compressisse, atque ex illa tres filios susti-
sse, *Agathyrsin*, *Gelonem* & *Scytham*, a quo Scythes
omnes descendisse adserunt (b). Cum vero per Jo-
vem aërem, per *Borysthenem* aquam intelliixerint ve-
teres, tanto verborum & ænigmatum apparatu

Græci, more loquendi illis familiari, hoc tantum indigitare voluerunt, Scythes esse antiquissimos populos & ipsis elementis ferme cœvos. Veram quoque & certam Scytharum patriam frustra quærimus, quippe Scythæ sunt, ut inquit Poëta (c),

*Quorum plausta vagas rite trabunt domos,
Immetata quibus jugera liberas
Fruges & Cererem ferunt,
Nec cultura placet longior annuâ.*

Ubi læta igitur pascua & irrigua loca, quæ pecudibus sustentandis essent idonea, invenerunt, ibidem Scythæ manserunt; quare etiam *Scytha Nomades* (d) dicti fuerunt. Et sicut his naturæ dotibus luxuriant regiones, *Tauro* monti adjacentes; ita constat, quod Scythæ circa radices hujus montis per longam satis annorum seriem substiterint, proptereaque ab antiquis Historicis & Geographis appellantur modo *Tauri*, modo *Tauro-Scythæ*. Sic HERODOTUS inter nationes Scythicas primo loco nominat *Tauros* (e), quorum truculentiam non reticet POMPONIUS MELA (f), immo *Tauρινς Σκυθιας* mentionem facit STRABO (g). Quocirca memoria in primis dignum est, quod *Orestes* ejusque Soror *IPHIGENIA* dicantur ea sacra in Cappadociam attulisse, quæ *Tauropoli Dia-*nae (h) habentur (i). Prope hunc montem tranquillam satis vitam diu egisse videntur *Tauro-Scythæ*, in culturam rei pecuariæ valde intenti; quæ ipsorum halcyonia deinceps turbarunt Massagetae, qui *Tauro-Scythas* viatos in fugam conjecerunt. Hi rur-
sus

sus Cimmerios avitis expulerunt sedibus, illosque terga vertentes tanto ardore sunt insecuri, ut non prius substiterint, quam in Medium pervenissent, totumque hoc imperium, cui tunc præfuit CYAXARES I, in suam redigissent potestatem, a quo tempore dominatum Asiam per XXVIII annos tenuerunt. Interea vero CYAXARES occasionem quærebat novos hospites ejiciendi, & quum aperto Marte illos adgredi non auderet, simulatione amicitiae circumventos ita ad incitas redigit, ut ex Media se recipere, regionemque, quam antea incoluerant Cimmerii, repetere coacti fuerint (k).

(a) In Melpom. Libr. IV. c. IV. (b) Ibid. cap. VIII. (c) Vid. HORAT. Carm. I. III. Od. XXIV. (d) Συνθέων Νομάδων mentionem sepe faciunt cum aliis Scriptores, tum HERODOTUS passim. (e) libr. cit. (f) In lib. de situ orb. p. m. 59. (g) Rer. Geogr. I. XII. p. m. 809. (h) Cum veteres Scytha venationibus valde delectati fuerint & arte jaculandi adeo excelluerint, ut CYAXARES, Medorum Rex, filium illis tradiderit instruendum, Granique ipsum Herculem a Scybris eandem didicisse artem perhibent, nemo miretur, quod Diana, quam curam venatorum & silvarum agere coaci crederunt Veteres, templum in primis exsruendum curaverint Scytha. (i) Vid. STRAB. cit. loco. (k) Vid. HEROD. I. I. & IV.

§. II.

Quorsum se contulerint Cimmerii patria expulsi, & ubinam penates suos rursus constituerint, non nostrum est iam operose disquirere. Illorum tamen vestigia premere nolumus, qui eosdem ad intencias

usque *Kemienium nostrorum rupes sollicite deducunt*, atque hos ex illis suam repetere originem argutius, quam verius contendunt. Hi enim sunt, qui totum fere orbem, illustrioresque gentes intra Scandinaviæ pomœria non malo quidem proposito, sed infelici certe successu, includent. In eo autem omnes, quotquot adspicere nobis licuit, Geographi & Historici inter se convenienter, quod Cimenteriorum patria, dum eos aggressi sunt Tauro-Scythæ, fuerit in illis terris, quæ Ponto Euxino & Paludi Maeotidi orientem versus adjacent. Quare HERODOTUS fatetur (*a*), quod jam suo ævo in his oris plura loca superfuerint, quæ veterum dominorum appellationem & memoriam conservarent. Mutatis autem dominis, *Tauri*, quæ Scytharum fere omnium fuit consuetudo, nomina etiam locorum mutarunt, & novam hanc patriam vocarunt *Tauricam*, quam alii scriptores *Chersonesum Tauricam* dixerunt. Verum neque hæc nomina immutata manserunt, sed sicut *Scytharum nomen in Getarum sensu* fuit effictum; ita *Tauro-Scythæ nuncupati* sunt deinceps *Tauro-Getæ* & paullo post *Tyri-Getæ*, in primis postquam occasum versus se magis magisque extendissent. Non equidem ignoramus, quod nonnulli referant *Tyri-Getas* ad Græcos; verum STRABO (*b*), inter antiquissimos & probatissimos Veterum Geographorum merito ponendus, *Tyri-Getas* Scythicis populis ubique annumerat (*c*); forte tamen ob admixtos Græcos (*d*) quidam eosdem *Ἑλληνας Τυριδας* appellitant. Sedes ipsorum

rum hoc modo delineat nominatus Auctor: Regionis totius, que jam dicto inter Istrum & Borysthenem intervallo superjacet, prima portio est solitudo Getarum: deinde Tyri-Getæ, post hos Jazyges, Sarmatæ & qui Basilii, id est Regii dicuntur, & Urgi, quorum plerique Nomades sunt, quidam etiam agriculturæ operam navant: hos ferunt etiam saepe ad uiramque Istri partem habitasse. In mediterraneis Bastarnæ sunt, Tyrigenis ac Germanis confines, ac fere ipsi quoque Germanici generis (e). Hi Tyri-Getæ fluvio Tyre, hodie Niester vel Dniester, cuius littoribus longe lateque infederunt, nomen dederunt. Meminit quoque Tyri-Getarum PLINIUS (f), quos scribit incolere spatiosam insulam (g) in flumine Tyra. Denique sicut olim haud infrequens fuit populis, voces contrahere ut facilius pronunciarentur; ita quoque Tyri-Getæ successu temporis dicti sunt Tyritæ (h) & tandem Tyræ vel Turæ.

(a) In Melp. Cap. XII. (b) STRAB. Geogr. L. VII. p. m. 473 & seq. (c) libr. cit. p. 443 - 452. Quid? Quod nomen ipsum hoc adfatum indicet. (d) Memorabilis in primis est locus aqua DIONYSIUM Poëtam v. 305, 306.

Δακῶν τ' ἀσπετος αῖα, καὶ ἀλκηντες Ἀλαροὶ^{τάντοι} οἱ ναιστιν Ἀχιλλῆος δρόμον ἀπύν,

3. e. Et Dacorum immensa tellus & strenui Alani, Taurique qui habitant Achillis cursum aditu difficilem. Immo STRABO p. 469. perhibet, insulam, Leuce aitiam Achilli dicaram fuisse, quod vix factum, nisi Graci quidam hic consedissent. (e) Vid. lib. cit. p. m. 470. (f) Hist. Natur. L. IV. c. XII. p. m. 392. (g) PROCOPIUS bane terram Achillis Insulam vocat,

quam Dromum ab aliis fuisse nuncupstam subinnuit. (b)
 PRÆTOR. Orbis Gotbici libr. I. c. VII. §. IX.

¶ III.

Antequam ulterius progredimur, in natales nominis Tyrkarum seu Turcarum inquiremus. Quocirca statim observamus, quod plerique Auctores, qui de Turcis aliquid memoriæ prodiderunt, in tradenda nominis Etymologia affectum magis, quam ingenium indicaverint; plane quasi verum esset, quod, qui grandibus sed truculentis facinoribus innotuerit, ejus quoque nomen omen haberet & ipsam ferociam spiraret. Sunt tamen nonnulli & mitiores illi, qui Tircarum & gentem & nomen derivant a Japheti filio, Thiras dicto Genes. X. 2. (a) quum ab aliis Japheti nepos Thogarma Gen. X. 3. generis auctor salutetur (b); qui tamen opinionis suæ non alias adferunt rationes, quam aliqualem nominum similitudinem. Quidam nomen derivant a Thartak, Avitarum Idolo, 2 Reg. XVII. 31. (c). Alii originem nominis repetunt vel ex Turca, magna & opulenta Persarum urbe (d), vel a fluvio rapido Turk, qui in mare Hircanum aquas suas exonerat (e); verum cum incertum adhuc sit, an Tircæ vel Turcæ hoc oppidum aut regiones huic fluvio adjacentes olim incoluerint, has sententias Auctoribus suis defendendas relinquimus. Addimus tantum, quod cum nomina tam oppidi quam fluvii memorati recentiora videantur, siquidem apud veteres Geographos non occurrant, a neutro horum antiqua

qua *Turtarum* natio denominari potuerit. Alii rur-
sus derivatum volunt Turcarum nomen a provincia
Turkestan, quæ inter *Tauriam* & *Medium* sita est,
quam antiquitus inhabitasse perhibentur *Turce*, an-
tequam ad *Mare Caspium* penetrassent (*f*). Immo sunt,
qui existimant, *OTHINUM*, *Turcarum* in *Scandiam*
se recipientium Principem & antesignanum, ex pro-
vinciæ modo dictæ urbe *Thasgard*, quod nomen in
Asgard mutarunt Gothi, fuisse ortum (*g*). At ni-
si fallimur, provincia hæc potius a suis habitatori-
bus *Tauris* fuit cognominata, nec illa his nomen
dedit. Nonnulli arcessunt *Turcarum* appellationem a
Chaldaico ἡρή ejicere, expellere, rejicere cum dedi-
gnatione; quasi feroci huic genti tale nomen in i-
gnominiam ab Arabibus fuerit impositum ob rapa-
citatem & crebra latrocinia in illorum terras su-
cepta (*h*). Alii denique in ea versantur opinione,
Turcas ita appellatos a voce *Turc*, quæ ipsorum lin-
gua denotat *bubnucum*, *bominem agrestem*, *vagabun-*
dum & *raptō vivere adsuetum* (*i*). Quæ quidem sen-
tentia non penitus est rejicienda, quum POMPO-
NIUS MELA (*k*) tradat, *Tauricos Scythicæ* fuisse o-
riginis; adeoque qui Græcis *Nomades* dicebantur,
habita pristinæ vitæ ratione se ipsos *Turcas* appel-
larunt, quemadmodum Græci *Scythes* nuncupau-
runt, qui sibi ipsis erant & vocabantur *Scoloti*, te-
ste HERODOTO (*l*). Verum cum mons *Taurus* ab
antiquissimis celebretur Scriptoribus, & hujus ac-
colas fuisse *Tauricos*, *Turcarum* majores, constet, ab
his montium jugis ipsos cognominatos fuisse colli-
gi-

gimus. Nomen rursus montis commode deducitur ab antiquo Seythico vocabulo Taur, Taurn, Torn, quod montem significat, quo ναθ' οξητ' insignitus fuit mons Taurus (*m*), addita solum terminacione Græca. Quocirca notari omnino merentur verba Nob. STRAHLENBERGI (*n*): *Was nun den Nabmen Taurus betrifft, so werde vorhin in meinem Prodromo erwehnet haben, das Tau und Tauri in der alten Taterische Sprache, Tag aber in der neuern wiederum ein Gebürge oder ein Berg heisse, daher die Nahmen Tavistaner, Tagestaner oder Berg-Tatern: item in der Alt-Scythischen sprache Taunasis, König und Herrscher eines bergigten Landes oder Gegen entstehen.*

(*a*) Vid. GÖRANS, Diff. de prisce Scand. Inc. p. 6. (*b*) PRÆTOR Orb. Goth. I. I. p. m. 23. (*c*) STEPHANI Lex. Hist. Geogr. & Poët. ex edit. Nic. LLOYDII. p. 805. (*d*) HOFFMANNI Lex. Univ. Tom. ult. p. 499. (*e*) I. c. HOFFMAN. (*f*) BAUDIER Invent. de P. Hist. gen. des Turcs p. m. 2. (*g*) Rev. Erise. FILENII diff. de Sacris Pont. gentil. P. I. p. 35. (*h*) BAUDIER I. c. (*i*) HUBN. Hist. Polit. Tom. I. p. 598, adae DU FRESNE Glossar. ad Script. Med. & inf. Latin. voc. Turcomannus. (*k*) De situ orbis lib. I. c. XXI, (*l*) Lib. IV. (*m*) DALIN Hist. Patri. T. I. p. 17. not. d. (*n*) In Nord- und Ost-Theil von Europa p. m. 328.

§. IV.

Filum narrationis expeditionum, in Scythiam suscepatarum, hactenus aliquantum interruptum nunc ex institut tenore redintegrabimus. Vdimus autem partim quod Massagetæ Scythes Tauricos in Europam propulerint, partim etiam quod Seythæ hi

hi post amissum Mediæ imperium in orientalibus Europæ partibus confederint. Ex HERODOTO præterea constat, quod CYRUS, primus Persarum Monarcha, Scythes bello sit persecutus (*a*); verum cum per hos alii intelligent Massagetas (*b*), turbarum Asiaticarum Auctores, & XENOPHON Scythicam hanc expeditionem ignoret, probabile saltem est, quod *Tyrigetas* non exagitaverit *Cyrus*. Interim tamen inde ab antiquissimis temporibus Persæ in Scythes, qui *Tyrigetae* dicebantur, minus bene affecti fuisseвидetur. Quamobrem etiam cum DARIUS HYSTASPIS ad imperium accessisset & internos motus feliciter compoensisset, arma statim in Scythes movit, caussam hujus expeditionis præferens irruptionem illam, quam Majores Scytharum ante CXX annos circiter in Medium suscepérant, quod diserte testatur HERODOTUS (*c*); quamvis alii Auctores aliam adferre caussam soleant (*d*). Quicquid sit, DARIUS ingentibus copiis stipatus Scythes aggrediebatur, quorum vires quem his repellendis non sufficerent, ceteras Scytharum nationes, quæ jam tum non paucæ fuerunt, in societatem militiæ sollicitarunt, sed quæ ipsos destituerunt; iniquum procul dubio judicantes, illis suppetias ferre, qui priores aliorum otia turbaverant. Necessitate igitur compulsi Scythæ, uxores, liberos & quicquid præterea carissimum habuerunt, versus Septentrionales Europæ partes se recipere coegerunt, ut imminentes declinarent periculum. Quænam hæc fuerit Scytharum natio, quam acerrime infectabatur DARIUS, haud obscure patebit,

bit; si modo in memoriam nobis revocemus, quod te-
stentur HERODOTUS (*e*), CORNELIUS NEPOS (*f*)
aliique Scriptores, scilicet quod Persæ flumen Issrum
transierint, antequam ad Scytharum pervenerint
tuguria. Hinc enim colligere licet, quod Scythæ
avitis sedibus ejecti, & in Scandiam transeuntes fue-
rint Tyrigetae vel Turcae. Quod insuper Iucentissi-
me evineit locus ex STRABONE (*g*): Μακεδονία δὲ τῆς
Ποντικῆς Θαλάσσης τὴν απὸ τὴν Ἰσρυν ἕπεται Τύροι, καὶ ἡ ταῦ-
Γετῶν ἐπηγία πρόκειται πεδιάς πέσον, καὶ ἀνυδρος ἡ ἡ Δα-
ρεῖος ἀποληφθεῖσι οἱ Τασσόπεος καθ' ἓν κατεὸν διέβη τὸν Ἰσρυν
ιπὲ της Σκύθεως, ἐκπόνησσι παντεργάτῃ διψες διαλυθῆναι συνήνε
δι ὁψὲ καὶ αἰτεστέψει. Non tamen diffitendum est, quod
quidam Tyrigetarum, depulso periculo, ad pristinas
sedes sint reversi. Hi ipsi pacatam vel saltem ma-
gnis motibus non interruptam egerunt vitam, do-
nec ALEXANDER M. trajecto Issro flumine Tyrigetae
seu Turcas fuit aggressus, cum quo varia qui-
dem fortuna hi pugnarunt, sed tandem victas dare
manus sunt coacti; quæ fortitudinis documenta præ-
stítit ALEXANDER admodum Juvenis (*h*). Post
hæc discordiis rerum publicarum Græciæ nec non
mutuis Principum Asiaticorum contentionibus factum
est, ut aliquædiu respiraverint Tyrigetae, dones
Rex Parthicus MITHRIDATES EUPATOR illos ma-
gno impetu fuerit aggressus; qui tamen post anci-
pitæ utrinque pugnas bellum composuit, Tyrige-
tasque in suam recepit amicitiam. Hinc MITHRIDAT-
ES altiora spirare cœpit & palmas orbis, quas so-
li hactenus tenuerunt Romani, dubias illis reddere
fate-

sategit. Verum cum de tanta spe fuisset dejectus, rebus contra CN. POMPEJUM infeliciter gestis, in Scythiam & quidem ad Tureas se contulit, quem cum insequeretur POMPEJUS, Tureæ, qui Legionibus Romanorum repellendis se impares sentirent, ad septentrionales oras se rursus contulerunt, ibique errantes penates constituerunt (*i*). Hinc odium veterum Scandianorum in Romanos gravissimum. Hinc de altera colonia, quæ in Boreales oras se contulit, in Historiis nostris antiquis dicitur, quod ex Turcicis & Asiaticis populis fuerit composita (*k*); quod eodem etiam jure de priore colonia diceretur, si pleniorum ejus, quam nunc possidemus, cognitionem haberemus.

(*a*) Lib. I. c. 214. (*b*) Hist. Univ. T. III. p. 450. (*c*) L. IV. c. I. & III. (*d*) JUSTINUS L. II. c. V. hanc adserit cassam, quod Scybarum Rex negaverat, se daturum filiam suam in matrimonium DARIO petenti. (*e*) Lib. IV. (*f*) In vit. MILIT. c. III. (*g*) Geogr. Lib. VII. p. m. 468. Atque prima bac in Septentrionem Scybarum immigratio facta est sexcentis circa annis ante nae. CHRIST. via. BAYER. in Chronol. Scybarum Peirop. insert. Tom. I. (*h*) FREINSHEM. Suppl. ad CURT. L. II. c. IV. (*i*) LIVII Hist. Rom. passim. (*k*) Hist. HERVARE statim ab init.

§. V.

Postquam ita originem veterum Turearum, illorumque migrationes ad Septentrionales terras dilucide, ut opinamur, exposuimus; juvat nunc aliorum sententias de his populis breviter expendere. Statim igitur nobis obvenient illi, qui existimant

Turcas eosdem fuisse cum Thyssagetas, de quibus in hunc modum loquitur HERODOTUS: Μετὰ δὲ τὸν ἔρημον ἀποκλίνειν μᾶλλον πέρις ἀποκλίνειν ἄνθεμον, οἴμονται Θυσσαγέται, ἐθνος πολλὸν καὶ ἕδος λόγος δὲ ἀπὸ Θήρης, i.e. Post hanc solitudinem declinando magis ad ventum sub-solanum, incolunt Thyssagetas, natio copiosa & propria & e venatu vivitans (a). Quare etiam Nob. JAC. WILDE Thussos nostrates Thyssagetas & nomen & originem debere existimat (b), & filius ejus Cel. AND. WILDE Thussos, haud diversos fuisse censet a Tyritis seu Tyragetis, fluminis Tyræ accolis (c). Sed licet verum sit, quod Thyssagetas atque Tyræ & quoad nomen & viciniam sedium inter se convenire videantur, quare etiam nonnulli auctores Thyssagetas HERODOTI, Tyregetas STRABONIS atque Thusagetas PLINII inter se permisceant (d); attamen cum POMPONIUS MELA diserte distinguat inter Thyssagetas & Turcas; consultum quoque nos ducimus, diversitatem harum nationum constituere; quamvis forte negari nequeat, quosdam Thyssagetas in societatem Turcarum, versus Boreales oras se conseruentum, vénisse. Nec sententiæ nostræ admodum obest, quod in antiquis Historiis primi Scandiæ incolæ nuncupentur Thussar, item Rimthussar; hoc enim nomen ipsis indidisse videtur OTHINUS II, ut ferinam indolem incondita hac appellatione illis exprobraret, & simul divinam, quam sibi arrogaverat, auctoritatem adsereret. Ceteris enim fero-
ciores fuisse Thyssagetas vel ex his VALERII FLAG-
CI versibus colligi potest:

Non ego sanguineis gestantem tympana bellis
Thyrsageten, cinctumque vagis post terga filebo
Pellibus (f).

- (a) Lib. IV. §. 22. (b) In prep. Hodeg. ad PUFFEND.
p. 25. (c) In not. ad Hist. Jur. Publ. cap. II. §. XV. p. 154.
(d) STEPH. Lex. in voc. Thyrsageta. (e) Lib. I. cap. alt.
(f) Lib. VI. vers. 134. seq.

§. VI.

Thyssagetus modo memoratis Τυρκας vicinos ponit HERODOTUS, ita enim ille: Συνεχεις δε τοῖσι (Θυρσαγέταις) ἐν τοῖσι ἀυτοῖσι τόποισι κατοικησάοισι διὸ τοῖσι ἄνωμα κεῦται ίύρκαι, καὶ ὅτι αὐτὸς Θήγεν ξώστης. Id est: His contigni & in eisdem habitantes locis sunt illi, quibus nomen inditum est TYRCÆ & ipsi e veneratione viventes (a). Hinc rursum occasionem sibi sumserunt non pauci concludendi, Tyrcas hos eisdem plane esse, qui postmodum dicitur sint Tyrcæ vel Turcæ; præsertim cum incuria Librarium littera in demtis scilicet apicibus facilis negotio mutari potuerit. Quæ quidem opinio exinde etiam corroboratur, quod POMPONIUS MELA proxime post Thyssagetas ponat Turcarum sedes (b). Hac persuasione originem nominis Tyrorum in hodierna potissimum lingua Turcica qua siverunt Eruditi. Sic Nob. STRAHLENBERGIUS hanc appellationem arcessit a voce Turcica Tyrick, quæ significat vagum & qui nullam certam habet mansionem (c). Sed si mendum quoddam hic lateat, quod tantum non o-

maes

mnes agnoscunt, erit illud corrigendum, & hoc facto standum erit Etymologia, quam §. III, vindicavimus. Ceterum *Jyrcas* non plane eosdem esse cum Turcis nostris vel inde constare arbitramur, quod in Septentrionali plaga adhuc sit provincia *Jugra* vel *Zubra* (d), quam *Jyrcarum* Nepotes inhabitare & eidem nomen dedisse, verissimile est. An vero ex hac sequenti tempore processerint *Hungari*, non nostrum est jam dispicere.

(a) Lib. IV. §. 22. (b) L. I, p. m. 55. (c) lib. cit. p. m. 66. (d) GUAGNINI Descript. Moscov. p. m. 167.

§. VII.

Sunt quoque nonnulli, iidemque magni nominis viri, qui existimant *Turcas* nostrates a *Tyriis* originem duxisse; quam sententiam non solum adfinitas nominum, sed etiam alia confirmare videntur momenta. Ad rhombum vero in primis facere censetur, quod negotiosa *Tyriorum* natio commercia instituerit, tam cum aliis gentibus, littora *Maris Mediterranei* inhabitantibus, quam cum ipsis Hyperboreis. Quocirca notatu dignissimus est PHOTII locus ex antiquissimi Philosophi ANTONII DIOGENIS relatione de *Tyriorum* quorundam scil. DINIÆ, CARMANIS & MENISCI itinere admodum curioso in Thulen (a), per quam plerique Scriptores ipsam intelligunt Islandiam. Atque hoc ipsum plenius corroborare nituntur ex lapide quodam Runico, qui in Sudermannia, parœcia *Akerensi* conspicitur, & sic ha-

¶ IX. ¶

habet: AMVIT RISTI STINA THINA ULLI SU-
NI SINA, UNULFU, AKU, HRENGI, BRUDUR
SINA, WARDI UTI TERI BINA, IGALMARNA,
SUTUMA &c. i. e. ex verione *Peringskibdiana*:
Amvitus erexit lapides hos omnibus filiis suis, ut &
Unulpho, Achoni & Hrengoni fratribus suis, qui erant
Excubitores peregre in Tyro civitate, in Gallico mari
(seu Mediterraneo) ac Sodoma (b). *Enimvero licet non*
negemus, antiquos Tyrigetas non solum cum Græcis,
sed etiam cum Tyriis commercia subinde instituisse
(c); attamen nullo constat indicio, quod vel
Tyriorum colonia quædam ad Scandiæ oras fese ha-
bitatum contulerit, vel quod ipsi Scandiani com-
merciorum gratia Tyrum sint profecti, quamvis de
Tyri-Getis & Thracibus hoc valeat. *Quid? quod*
*Scandiani, regnante *Dynastia Goreana*, vix patriæ*
limites sint egressi, & postquam sub familia Ynglin-
gica frequentiores expeditiones orientem versus ex
terris nostris sint suscepτæ, Tyrus adeo de pristino flore
deciderat, ut Tyrum etiam Tyri quis quæreret. De-
nique a veritatis cynosyra nos parum declinaturos
existimamus, si vel contendamus per urbem Teri
intelligi antiquam Moschoviæ civitatem Tweri, per
Igalmarnom (d) significari Ingermanniam, & per Su-
tumam indigitari Susdaliam; in quibus locis, ut do-
cent annales, veteres Goths præsidiariam sæpe ege-
runt curam; vel etiam explicationi assentiamus,
quæ invenitur in Actis Litt. Svec. (e).

(a) RUDE. *Actant. T. III. p. 351. seq. collat. cum RAMI*
Ulysse p. 165. (b) PERINGS. *Not. ad vit. Theod. p. m. 402.*

(e) DAELIN. *Hist.* Tom. I. n. m. 60. nor. g. *6* etiam ab ipso
auctores. (d) Mag. GÖRANSS. *dolissime commentatur in*
significationem hujus nominis, sed prob. dolor explicatio ejus mi-
nime arridet illis, qui argute explicant Galmarum per Calma-
riam. (e) Ann. 1726, p. 148.

§. VIII.

Tantam nominis celebritatem jam ab antiquis-
simis inde temporibus consecuti sunt *Trojani*, ut ab
horum reliquiis & *Trojā*, velut ex patriā majesta-
tis gloriæque omnis natali domo origines suas re-
petant etiam illi, qui per obscura & tenuia initia
ad honoris culmen sint enixi. Taceo aliorum in
hoc negotio molimina, sufficiat nobis observasse,
quod Historici nostri celeberrimi RUDBECKIUS (a),
PERINGSKIÖLDIUS (b) aliquæ existiment, *Tyrcas*
nostros fuisse *Tencros*, qui, diruta *Troja*, partim
in Hesperiām, partim in Scandinaviam se contule-
rint. Immo narrationis suæ initium faciunt ab i-
psò Jove, qui filium genuisse perhibetur *Dardanum*,
unde nostri effingont *Thardan* & *Thordan*, *Jovis ta-*
nitru; atque hinc prolixam nobis seriem exhibit
Principum, qui inde a *Dardano* usque ad OTHI-
NUM II *Asgardiae* seu, ut illi opinantur, *Trojæ*
regnarunt. Ego quidem neque

- - - illis derrahere ausim

Herentem capiti multa cum laude coronam (c);
Nec adeo promptus sum ejusmodi fabulis assentire.
His enim omnibus argutiis quam parum roboris in-
sit,

fit, quisque facile intelligit, nec hunc opinionem adiutus adsurget, nisi qui ex sola nominum similitudine ad eandem rem præpropere nimis argumententur. Præterea vel ipsa Chronologia convellit hanc sententiam. Hinc enim constat, quod Troja a Græcis sit funditus diruta sexcentis circiter annis antequam Tauricos populos exagitaverint Massagetae. Esto igitur, quod OTHINUS II qua fuerit astutia, PRIAMI nomen assumserit, id quod forte non aliunde quam ex *Trojananna Sagu* constet; an tamen inde sequitur, quod hic Trojanorum Princeps fuerit? Profecto non: præsertim cum mille circiter anni inter Priamum & Othinum intercesserint. Quare etiam Nob. STJERNHJELM falso admodum reddit hanc sententiam de *Turcis* a *Trojana* stirpe oriundis (c). Esto denique, quod Gothi sequioribus temporibus Phrygiam, ubi Troja sita fuit, incoluerint, sicut ex CLAUDIANO (e) dilucide constat:
*OstroGothis colitur mistisque Gothunnis
 Phryx ager;*
 Non tamen inde concludere fas est, quod majores eorum eadem quoque tenuerint loca.

(a) *Atlant.* Tom. I. c. 36. (b) *Not. ad vit. THEOD.* p. 617. nec non *Tab. Geneal.* p. 5, 6, 7. (c) *HORAT. Sat. L. I. Ep. X.* (d) *Vid. litter. ejus in not. ad Herv. Hisp. p. 5 & 6.* (e) *In Eutrop. Lib. 2. vers. 152. 153.*

§. IX.

Nec illi hoc loco erunt silentio prætereundi, qui existimant, Turcas nostrates eandem esse gentem

tem cum hodiernis Turcisi & ut videtur, ab his illorum repetunt natales, quam sententiam tam appellationum, quam linguarum utriusque Populi convenientia satis confirmare videtur. Nec nos huic hypothesi difficilem adderemus calculum, si modo Historiae docerent, Turcas hodiernos saltem a temporibus Nativitati Christi proximis easdem, quas jam habent, antiquitus tenuisse sedes. Enim vero cum ex Historiarum monumentis liquido pateat, quod gens illa, quæ Turcarum nomine postmodum fuit insignita, usque ad Sæculum VII trans Tanaïm nullis certis perpetuisve domiciliis usi, hoc aëvo ad Pontum Euxinum & veteres Iberos accesserit, ubi partem eorum, stipendiis oblatis, invitatam FLAVIUS HERACLIUS AUGUSTUS, adversus Persas id temporis navigans per Pontum Euxinum, copiis suis adscripsit (*a*); vel me non monente appareat, quod Turcae, qui imperium Constantinopolitanum occuparunt, longe serius in Europam pervenerint, quam illi, qui Asgardiæ Principis OTHINI fuerunt adseclæ. Quo tamen ipso non negamus, quin Turcae nostrates & Turcae hodierni ex eadem stirpe scil. ex Scythis Tauricis fuerint oriundi; quamvis inter has Tauricorum colonias, quæ in Europam penetrarunt, intervallum plurium Sæculorum intercesserit. Quo ipso penitus rejicimus illorum conjecturam, qui Turcas hodiernos ex Trojanis originem ducere, graviter urgent (*b*).

(*a*) Hoc ex SIMONE, Magist. Offic. narrat LEUNCLAVIUS Lib. I, His, Musulm. p. 22, & 23. (*b*) Hoc referimus in

in primis HENRICUM WOLTER in Chronico ArchibEp. Bremi,
qui ita scribit: Ubi (CAIRI) in Egypto residet SOLDANUS, qui est abnegatus semper & pessimus Christianus, &
constituitur vel creatur a Rege Turcorum, qui in Latino
dicitur Teucrorum; nam Teucer dicitur Turcus & Teu-
cri sunt Turci. Vid. Biblio b. Univ, par Mr CLARCK de l'
annee 1688. p. m. 172.

Diximus modo, convenientiam linguarum Go-
thicæ atque Turcicæ ansam præbuisse Eruditis con-
cludendi, Turcas nostros a Turcis fuisse ortos.
Hanc convenientiam jam pridem observavit Nobis
STRAHLENBERG (a), qui tradit, quod LEGERUS
significaverit SPENERO (b), linguam Turcicam ex
diversis linguis esse compositam; siquidem Sacra a
Persis, Politica a Gracis, nautica & mercatilia ab
Italis, Mechanica autem & Metallica a Germanis
aceperint. Quocirca observat, partim quod Turcæ
serius in Europam pervenerint, partim quod Lingua
Turcica cum veteri Germanica, Gothica, Celtica
& Britannica propiorem habeat nexum, quam sibi
persuaserit LEGERUS, adeo ut in veteri Turcica
& Tartarica lingua invenerit aliquot centena vo-
cabula, exceptis Mechanicis & Metallicis, nec solum
nomina, sed etiam verba, quæ apprime inter se
convenirent atque eandem haberent radicem.
Quare non improbat illorum sententiam, qui Fran-
cos & Turcas ex eadem stirpe ortos fuisse existi-
mant. Omnia vero elegantissime, ut solet, hanc

convenientiam nuperime ostendit Decus Academiæ
 Carolinæ Celeb. D:rus Prof. BRING (c). Nostrum
 nunc est, caussas tantum hujus convenientiæ pau-
 cis enarrare; quarom primam constituimus, quod
 Turcæ nostrates & Turcæ ex eadem stirpe processe-
 rint. Et quamvis migrationibus variis Tauro-Scy-
 tharum peregrina multa vocabula huic linguae fue-
 rint admixta, multa tamen & quoad sonum &
 quoad significatum integra manserunt. Hinc quo-
 que altera lingua alteri in genuina vocum signifi-
 catione indaganda haud exiguum mutuatur lumen
 (d). Altera caussa est, quod Gothi nostri frequen-
 tes Constantinopolin olim sint profecti, & custo-
 diam Palatii Imperatoris Græcorum nomine Verin-
 gorum egerint. Cumque hi numero plurimi fuerint
 & in magna dignitate hic vixerint, probabile est,
 quod Græci multas Gothicas voces in suam linguam
 transtulerint. Ex Græcis deinceps subjugatis & se-
 quiori Tauro-Scytharum colonia, Turcis scil., unica
 natio & successu temporis ex diversis linguis unica
 & communis lingua fuit constata; quare lingua Tur-
 cica non potest non Gothicis vocabulis luxuriare.
 An vetus Scandica lingua adventu OTHINI II per
 Turcas sit mutata multi multa disputant. Et certe
 quum multis ille asseclis fuerit stipatus, negari nequit,
 quin lingua aliquam subierit mutationem; sed forte
 non magni illa fuit momenti, præsertim cum uterque
 OTHINUS ex eadem gente fuerit ortus, & præter-
 ea GYLFO ita intellexerit linguam OTHINI, ut
 cum ipso eruditos, pro suo Sæculo, sermones sta-
 tim

Em instituere potuerit. Asamal vero non novam linguam, sed tantum excelsum dicendi genus fuisse arbitror, quod Othinus mirabili modo ex lingua in Septemtrione tunc usitata composuit, ut ita exprimeret profundas cogitationes & augustiores sententias.

(a) I. c. p. m. 59. (b) Miscell. LEIBNITZ, p. m. 152.
 (c) Epist. Ejus ad Nob. Cenc. Consil. & Equitem Dn. JOH. IH-
 RE p. 21. seqq. (d) Ibid. p. 33. & seq.

§. XI.

Dispiciamus nunc ex instituti tenore, quid de antiquis Turcis seu Tircis memoriae prodant annales nostri. In initio Historiae Hervaræ hæc leguntur: Tirkiar oc Asia man komo à Nordur-laund. i. e. Tircæ & Asiatici populi in Septemtrionem venerunt (a). Et alio loco: þessu samida komo Austan Asia meim oc Tirkiar, oc bigdu Nordur-laund. Odin formadr peirra atti margræ sonu. i. e. Hoc tempore Asiatici populi & Tircæ ex oriente venerunt, & in borealibus terris confederunt. Dux & Antesignanus eorum OTHINUS plures habuit filios (b). Item aliud hæc occurunt verba: Odin var Tyrkia Kongurs ban flyde fyren Romverjum Nordur bingad, i. e. Turcarum Rex fuit Othinus, qui Romanos effugiens hue in Septemtrionem concessit (c). Huc pertinet etiam, quæ habet ARE FRODE, qui in Genealogia sua vocat Othini filium YNGVE Turcarum Regem.

(a) *Herv. Hist. c. l.* (b) *loc. c. c. II.* (c) *Vid.
Landsdagatal.*
S. XII.

Ubinam vero in Septemtrionalibus oris habi-
taverint Turcæ, quæstio est altioris indaginis. No-
bis perquam verisimile est, nam certi quid adfir-
mare, monumentorum inopia, qua admodum pre-
mimur, non permittit, quod in Orientalibus Scan-
dinaviæ provinciis penates suos in primis consti-
tuerint. Huc quadrant verba STURLONIDIS:
*Fjallgarþur mikill geingur af Land-norþre til utsu-
þurs, sa skilur Sviþioþ ena miklu oc önnur Riike.
Fyrer Sunnan fjallit er eigi langt til Tyrklands, þar
atte-Oþinn Eignir flórar.* i. e. Ab ortu solis hyber-
ni editissima longissimaque montium juga proten-
duntur, Svetiam Magham ab aliis regnis distin-
minantia. Ab Australi horum parte haud ita pro-
cul abest Turcia, ubi magnos districtus possidet
OTHINUS (a). Sequenti etiam tempore Svetiæ
Rex SVEGDURUS, Fjolmeri filius, in Turciam &
hinc in magnam Scythiam se contulit, rebus in
bello feliciter gestis gloriam sibi acquisitus, ubi
multos cognatos invenisse ipse dicitur (b). Paul-
lo adhuc plenius sedes Turcarum determinat ADA-
MUS BREMENSIS: *Supra Scioniam, inquit, tenso li-
mite Gothi habitanti usque ad Bircam; postea longis
terrarum spatiis regnant Sveones usque ad terram fœ-
minarum. Supra illos Wilzi, Mirri, Lami, Scuti &*
Tur.

Turoi habitare feruntur usque ad Ruzziam (c). Ad eoque quin in Orientalibus nostris provinciis jam tum confederint, dubitari omnino nequit.

(a) Vid. Heims Kringl. Tom. I. p. 51. (b) I. e. p. 15.

(c) Hist. Eccl. p. m. 136.

§. XIII.

Antequam vela dissertationis nostræ contrahimus, cymbamque ex obscuro pelago, cui nos commisimus, in portum subducimus, et sunt quædam adhuc momenta breviter strictimque adferenda.
 1:0 Cum igitur Scandiana natio ex Asiaticis populis atque Turcis fuerit composita, cœu docent annales, atque Majores nostri, paganismi tenebris involuti, binos præsertim coluerint DEos Thoronem, Goth. Tyr, atque Othinum seu Jovem & Martem, verisimile admodum est, quod Turcæ in primis Thoronem, ceteri autem Othinum sint venerati, quamvis postmodum communia utriusque gentis facta sint sacra. Quam in rem plurimum facit, quod Czawaschi DEum, quem colunt, appellant Thor, quem Czeremissi nuncupant Jomala, eique mense Octobri primitias fructuum, in primis vero recentes offerant placentas (a). 2:do In Orientalibus oris plura supersunt loca, quæ veterum Turcarum nomen & memoriam refricant. Sic ipsa nostra urbs Aboa etiamnum a Fennis dicitur Tureu (*). Immo, observante STRAHLENBERGIO, Turuja & Turu apud Sibericos popu-

los significat metropolin (*b*). Quocirca non erit reticendum, quod Auctores populos Siberiæ proximos a parte meridionali ponant *Kura**Kalpackos* & *Torgutos* (*c*), quorum hi procul dubio etiam sunt *Tyrigitarum* nepotes. 3:to Si quis hinc colligere vellet, Fennos nostros esse Turcarum progeniem, illi non adeo facilem adderemus calculum; quamvis negari nequeat, quod in nostras oras penetraverint, immo quâ partem heic confederint. Nam Turcas Scythicæ fuisse originis jam in antecedentibus dilucide ostendimus, quos natales *Fennis* vindicare, cum partim maxima linguarum discrepantia, partim alia impediant momenta, non audemus. 4:to Admodum probabile est, quod Turcarum nomen in Septemtrione non diu superfuerit, sed cum animadverteret OTHINUS II priores Scandiæ incolas esse Scythes, ut majorem sibi apud hos conciliaret amorem, totum populum Scythes Gothosque, & vastum imperium *Svetiam Magnam* (*Svitiod his Myckla*) cognominavit.

(*a*) STRAHL. I. c. p. m. 347. nec non PETR. BRÖMS. *Diss. de Religione Siberiorum*. p. 14. (*) In hoc ambigui versamur, nam sunt rationes qua negant, Aboam esse cognominam a Turcis. (*b*) Ejusd. I. c. p. m. 64. qui ulterius perhibet p. 425. quod urbs Tobolski etiamnum a Tataris dicatur *Tura* vel *Thura*. (*c*) Vid. cit. BRÖMS. *Diss.* p. m. 5.

§. XIV.

Quamquam multa adhuc dicenda restarent, cogimur tamen heie abrumpere telam, ponente obstacula tem-

temporis angustiā. Suscipe interea C. L. hoc pri-
mum a nobis & forsitan ultimum Specimen Aca-
demicum, & consule illi, qui non ductus spe
præmiorum sed tantum amore in Hi-
storiam scripsit.

S. D. G.



AUCTORI

Hujus Dissertationis Eruditissimo.

Sic recolis studium non nostro ignobile Sæculo;

Sic & in Historiis se tua cura locat.

Scilicet egregio veri Tu captus amore

Hoc studiis normam constituisse cupis.

Quid pudeat Svecos cognatos sanguine Turcis?

Et plaustris Scythicis ducere stemma suum?

Stemmata quid prosunt? non est sita nomine virtus;

Sola facit magnos mens animusque bonus.

Virtuti est pretium; nec virtus perdit honorem,

Obscura quamvis sede locata foret.

Roma suæ gentis cimabula dicit ab ipsis

Barbarico svetus vivere more viris.

Nec magis illustres Europæ caetera Patres

Regna dabunt: Patres namque habitare casas.

Sit procul a nobis fastusque & gloria vana;

Dicere, quæ tellus optima, nemo valet.

Tu sed, Amice, tuis servire laboribus orbi

Pergas: Sic fastis tu celebrandus eris.

Hafniæ, ipsis Kalend. Maji.

MDCCLXVI.

J. A. S.